

nach der Geburt halten sollen. 65

get/ lehrnet betten / Man bett zwar sonst  
auch aussershalb der not / aber nimmer  
mehr bett man also von herten/ vnd  
mit andacht / als wenn man anligen hat/  
vnd Gottes vnd seiner hilff bedarff/ wie  
auch Esaias zeuget/ in seinem 26. Capitel/  
HERR in der not/ spricht er/ haben  
wir dich gesucht. Darumb sol ein Weib  
wenn sie schwanger ist/ vnd auch die zeit  
der Geburt kompt / gar fleissig betten/  
denn es fehlet ihr an not nicht / sintemal  
sie mit ihrer Leibes Frucht in grosser ge-  
fahr stehet / vnd zu rechnen den Tod am  
halse treget/ vnd sonderlichen wenn es in  
der geburt mit ir hart anstehet/ sol sie bey-  
des mit mund vñ herten einzig zu Gott  
ruffen vñnd schreyen / auch wenn grosse  
not inn der geburt fürhanden/ das Gott  
mit seiner hilff verzeucht / sollen sie dar-  
umb auch nicht faul vñnd treg werden  
zum Gebett / sondern / Je grösser die  
not ist / Je fleissiger sie betten sollen/  
vnd sollen mit dem Gebett nicht ablas-  
sen/

J sen/